

## Z A P I S N I K

sa I sjednice Vijeća Građevinskog fakulteta Univerziteta u Sarajevu, održane dana 14.01.2020. godine, sa početkom u 14.00 sati, u sali 8 nastavne zgrade Fakulteta, ul. Patriotske lige br. 30.

### PRISUTNI ČLANOVI:

#### Nastavnici:

Pozder dr. Mirza, Hrasnica dr. Mustafa, Milašinović dr. Zoran, Skejčić dr. Adis, Simonović dr. Goran, Ilić-Georgijević dr. Emil, Imamović dr. Ismar, Topoljak dr. Jusuf, Vrce dr. Esad, Mulahusić dr. Admir, Mulić dr. Medžida, Čerimagić dr. Đenari, Šuvalija dr. Suvada, Balić dr. Anis, Ademović dr. Naida, Kurtović dr. Azra, Džebo dr. Suada, Medić dr. Senad, Albinović dr. Sanjin, Serdarević dr. Amra, Milišić dr. Hata, Omičević dr. Džanina, Mešić dr. Esad, Tuno dr. Nedim, Hadžić dr. Emina.

#### Saradnici:

Nedim Kulo (G), Damir Hasanspahić (Mat.), Džubur Alma (H), Mladen Kapor (Kat.za geol.), Medić Jelena (K), Krdžalić Dževad (G), Šarić Ammar (S).

Studenti: Izet Nanić, Adelisa Subašić

### ODSUTNI ČLANOVI:

Nastavnici i saradnici: Dolarević dr. Samir, Ibrahimbegović dr. Adnan, Ljevo dr. Žanesa, Suljević Samir (K), Lazović Nerma (H),

Studenti: Damir Tahirović

Na prijedlog prodekana usvojen je sljedeći prošireni:

### DNEVNI RED:

- I Usvajanje Zapisnika sa XVI sjednice Vijeća Građevinskog fakulteta, održane 09.12.2019. godine;
- II Imenovanje Komisije za pripremanje prijedloga za izbor u naučnonastavna zvanja docent za naučnu oblast "Konstrukcije" i "Geotehnika i geološko inženjerstvo" i docent za naučnu oblast "Konstrukcije", po konkursu objavljenom u dnevnim novinama "Oslobođenje" i web stranici Građevinskog fakulteta i Univerziteta u Sarajevu dana 10.12.2019. godine;
- III Izvještaj Komisije za ocjenu radne verzije doktorske disertacije pod nazivom „Primjena metode čestica sa ugađenim jezgrenim funkcijama u hidrotehnici“ kandidata Harisa Kalajdžisalihovića, dipl.inž.građ. i utvrđivanje prijedloga Komisije za odbranu doktorske disertacije;
- IV Izvještaj o toku i rezultatu odbrane doktorske disertacije kandidatkinje Emine Hajdo;
- V Utvrđivanje prijedloga za raspisivanje konkursa za izbor / napredovanje u naučnonastavno zvanja: redovni profesor za naučnu oblast „Konstrukcije“ – jedan izvršilac sa punim radnim vremenom;
- VI Izvještaji Komisija za ocjenu i odbranu završnih radova;
- VII Prijedlog Plana javnih nabavki za 2020. godinu;
- VIII Recenzije Prof.dr. Muhameda Zlatara, dipl.inž.građ. i Mr. Krešimira Šaravanja, dipl.inž.građ. za publikacije radnih naslova: «Građevinski materijali I» i «Građevinski materijali II», autora prof.dr. Azre Kurtović, dipl.inž.građ.;

- IX Izvještaj Komisije za priznavanje inostranih visokoškolskih kvalifikacija i kvalifikacija univerziteta u BiH na studijskom programu građevinarstva o ekvivalenciji položenih ispita kandidatkinje Berine Krupić;
- X Izvještaj Komisije za provođenje postupka ekvivalencije akademskih titula, odnosno naučnih i stručnih zvanja ranije stečenih na Univerzitetima u BiH o ekvivalenciji stručnog zvanja ranije stečenog na Građevinskom fakultetu po zahtjevu Branislava Erića;
- XI Usvajanje Izvještaja o radu Građevinskog fakulteta Univerziteta u Sarajevu za 2019. godinu;
- XII Molba Asocijacije studenata Građevinskog fakulteta za smanjenje cijene naknade za korištenje biblioteke;
- XIII Razno.

**Ad/I**

Na Zapisnik sa XVI sjednice Vijeća Građevinskog fakulteta, održane 09.12.2019. godine nije bilo primjedbi, te je isti jednoglasno usvojen.

**Ad/II**

Odsjek za konstrukcije i Katedra za geotehniku i geološko inženjerstvo su Vijeću dostavili prijedlog sastava Komisija za pripremanje prijedloga za izbor u naučnonastavno zvanje:

- 1.) docent za naučnu oblast "Konstrukcije" i "Geotehnika i geološko inženjerstvo"
- 2.) docent za naučnu oblast "Konstrukcije"

po konkursu objavljenom u dnevnim novinama "Oslobođenje" i web stranici Građevinskog fakulteta i Univerziteta u Sarajevu dana 10.12.2019. godine,

Vijeće Građevinskog fakulteta je razmatralo iste i donijelo odluku da se:

A) u Komisiju za pripremanje prijedloga za izbor u naučnonastavno zvanje docent za naučnu oblast "Konstrukcije" imenuju:

- 1.) Dr.sc. Azra Kurtović, dipl.inž.građ., vanredni profesor Građevinskog fakulteta Univerziteta u Sarajevu (naučna oblast „Konstrukcije“), predsjednik Komisije;
- 2.) Dr.sc. Goran Simonović, dipl.inž.građ., docent Građevinskog fakulteta Univerziteta u Sarajevu (naučna oblast „Konstrukcije“), član Komisije;
- 3.) Dr.sc. Senad Medić, dipl.inž.građ., docent Građevinskog fakulteta Univerziteta u Sarajevu (naučna oblast „Konstrukcije“), član Komisije.

B) u Komisiju za pripremanje prijedloga za izbor u naučnonastavno zvanje docent za naučnu oblast "Geotehnika i geološko inženjerstvo" imenuju:

- 1.) Dr.sc. Đenari Čerimagić, dipl.inž.geol., vanredni profesor Građevinskog fakulteta Univerziteta u Sarajevu (naučna oblast „Geotehnika i geološko inženjerstvo“), predsjednik Komisije;
- 2.) Dr.sc. Anis Balić, dipl.inž.građ., docent Građevinskog fakulteta Univerziteta u Sarajevu (naučna oblast „Geotehnika i geološko inženjerstvo“), član Komisije;
- 3.) Dr.sc. Adis Skejić, dipl.inž.građ., docent Građevinskog fakulteta Univerziteta u Sarajevu (naučna oblast „Geotehnika i geološko inženjerstvo“), član Komisije.

Komisije su obavezne da Izvještaje sa prijedlogom za izbor kandidata dostavi Vijeću, u skladu sa tekstem raspisanog konkursa, ovom Odlukom i Potvrdom najduže u roku od 45 dana od dana isteka roka za podnošenje prijave na konkurs.

**Ad/III**

Nakon protoka roka od 30 dana stavljanja na uvid javnosti radne verzije doktorske disertacije pod nazivom „Primjena metode čestica sa ugladenim jezgrenim funkcijama u hidrotehnici“, kandidata Harisa Kalajdžisalihovića, dipl.inž.građ., Komisija za ocjenu radne verzije projekta doktorske disertacije kandidata Harisa Kalajdžisalihovića, dipl.inž.građ., pod nazivom „Primjena metode čestica sa ugladenim jezgrenim funkcijama u hidrotehnici“ je dostavila Izvještaj br. 06-3-747-28/17 od 10.01.2020. godine, u kojem je utvrdila da nije bilo primjedbi javnosti. Nakon razmatranja Vijeće fakulteta donosi odluku da usvaja Izvještaj Komisije za ocjenu radne verzije doktorske disertacije kandidata Harisa Kalajdžisalihovića, dipl.inž.građ., pod nazivom: „Primjena metode čestica sa ugladenim jezgrenim funkcijama u hidrotehnici“, zaveden pod brojem: 06-3-747-28/17 od 10.01.2020. godine,

predlaže Senatu Univerziteta u Sarajevu da prihvati prijedlog doktorske disertacije kandidata Harisa Kalajdžisalihovića, dipl.inž.građ., pod nazvom: „Primjena metode čestica sa ugladenim jezgrenim funkcijama u hidrotehnici“ i imenuje Komisiju za odbranu doktorske disertacije u sastavu:

1. Dr. Zoran Milašinović, dipl. inž. građ., redovni profesor Građevinskog fakulteta Univerziteta u Sarajevu, (oblast: Hidrotehnika i okolišno inženjerstvo), mentor i član komisije;
2. Dr. Alen Harapin, dipl. inž. građ., redovni profesor Građevinsko – arhitektonsko - geodetskog fakulteta Sveučilišta u Splitu, član komisije;
3. Dr. Emina Hadžić, dipl. inž. građ., redovni profesor Građevinskog fakulteta Univerziteta u Sarajevu, (oblast: Hidrotehnika i okolišno inženjerstvo), predsjednik komisije

Odluka Vijeća će biti dostavljena Senatu Univerziteta u Sarajevu radi daljnjeg postupka imenovanja Komisije.

#### Ad/IV

Vijeće je upoznato sa Izvještajem o toku i rezultatu odbrane doktorske disertacije kandidatkinje Emine Hajdo, dipl.inž.građ. koja je održana 23.12.2019. godine.

Doktorant Emina Hajdo, dipl. inž.građ. uspješno je odbranila doktorsku disertaciju i time ispunila sve zakonom propisane uslove za sticanje akademskog zvanja **doktor tehničkih nauka**, naučno polje **građevinarstvo**, naučna grana **konstrukcije**.

Izvještaj i Zapisnik o toku i rezultatu odbrane doktorske disertsacije kandidatkinje Emine Hajdo bit će dostavljeni Senatu Univerziteta u Sarajevu na daljnji postupak.

#### Ad/V

Na prijedlog Odsjeka za konstrukcije, Vijeće je donijelo odluku kojom je utvrdilo prijedlog za raspisivanje konkursa za izbor / napredovanje u naučnonastavno zvanje: redovni profesor za naučnu oblast "Konstrukcije" – jedan izvršilac sa punim radnim vremenom.

Kandidati za izbor u naučnonastavno zvanje redovni profesor treba da ispunjavaju opće zakonske uvjete i minimalne uvjete za izbor u naučnonastavno zvanje redovni profesor utvrđene Zakonom o visokom obrazovanju i Statutom Univerziteta u Sarajevu.

Pored općih zakonskih i minimalnih uvjeta za izbor u naučnonastavno zvanje redovni profesor utvrđenih Zakonom o visokom obrazovanju i Statutom Univerziteta u Sarajevu, kandidati trebaju da ispunjavaju i sljedeće uvjete:

- diplomirani inženjer građevinarstva, odnosno magistar građevinarstva sa 300 ECTS bodova, smjer konstrukcije, naučni stepen doktora nauka iz oblasti za koju se prijavljuje.

Odluku Vijeća dostaviti na glasnost Senatu Univerziteta u Sarajevu.

#### Ad/VI

Usvojeni su izvještaji komisija za ocjenu i odbranu završnog rada na drugom (II) ciklusu studija za.

- studentice Odsjeka za konstrukcije Merime Isanović;
- studentice Odsjeka za konstrukcije Dragane Skoko.

#### Ad/VII

U skladu sa Zakonom o javnim nabavkama BiH, potrebama i mogućnostima Građevinskog fakulteta, Vijeću je prezentovan Plan javnih nabavki za 2020. godinu.

Fadil Biberkić, dipl.inž.građ. je naglasio da je iz Prijedloga plana javnih nabavki za 2020. godinu u odnosu na Plan javnih nabavki za 2019. godinu izostavljena stavka "Spremnici, rezervoari i kontejneri; radijatori za centralno grijanje i kotlovi", jer je u planu da fakultet bude uključen u sistem Toplana Sarajevo. Također je istakao da je u sistem javnih nabavki uključena i nabavka usluga isporuke električne energije i telefonskih usluga.

Nakon razmatranja istog Vijeće je donijelo odluku da se utvrđuje Prijedlog Plana javnih nabavki Građevinskog fakulteta Univerziteta u Sarajevu za 2020. godinu.

Prijedlog Plana javnih nabavki Građevinskog fakulteta za 2020. godinu će biti dostavljen Upravnom odboru Univerziteta u Sarajevu na odlučivanje.

#### Ad/VIII

Vijeće je donijelo odluku da se usvajaju izvještaji recenzenata:

- Prof.dr. Muhamed Zlatar, dipl.inž.građ., profesor emeritus Građevinskog fakulteta Univerziteta u Sarajevu, broj 02-1-6-1/20 od 06.01.2020. godine;
- Mr. Krešimir Šaravanja, dipl.inž.građ., viši asistent Građevinskog fakulteta Sveučilišta u Mostaru, broj 02-1-1766-3/19 od 09.12.2019. godine;

za publikaciju radnog naslova: «Građevinski materijali I», autora prof.dr. Azre Kurtović, dipl.inž.građ..

- Prof.dr. Muhamed Zlatar, dipl.inž.građ., profesor emeritus Građevinskog fakulteta Univerziteta u Sarajevu, broj 02-1-6/20 od 06.01.2020. godine;
- Mr. Krešimir Šaravanja, dipl.inž.građ., viši asistent Građevinskog fakulteta Sveučilišta u Mostaru, broj 02-1-1766-4/19 od 09.12.2019. godine.

za publikaciju radnog naslova: «Građevinski materijali II», autora prof.dr. Azre Kurtović, dipl.inž.građ.

Imajući u vidu pozitivne ocjene recenzenata, Vijeće odobrava štampanje knjiga: «Građevinski materijali I», i «Građevinski materijali II», prof.dr. Azre Kurtović, dipl.inž.građ.

#### Ad/IX

Vijeće je upoznato sa Molbom Berine Krupić za priznavanje tri (3) položena ispita na Građevinskom fakultetu Univerziteta u Ljubljani, kao i sa Izvještajem Komisije za priznavanje inostranih visokoškolskih kvalifikacija i kvalifikacija univerziteta u BiH na studijskom programu građevinarstva, koja je pregledala i analizirala naučno nastavne programa studija na Građevinskom fakultetu Univerziteta u Ljubljani i izvršila uvid u položene ispite i syllabuse predmeta.

Nakon razmatranja istog Vijeće je donijelo odluku da usvaja Izvještaj br.06-5-2135-1/19 od 13.12.2019. godine podnesen od Komisije za priznavanje inostranih visokoškolskih kvalifikacija i kvalifikacija univerziteta u BiH na studijskom programu građevinarstva za pripremanje prijedloga za ekvivalenciju položenih predmeta kandidatkinje Berine Krupić na Građevinskom fakultetu Univerziteta u Ljubljani, Republika Slovenija.

Uvidom u položene ispite i syllabuse predmeta, kandidatkinji Berini Krupić se na prijedlog Komisije za priznavanje inostranih visokoškolskih kvalifikacija i kvalifikacija univerziteta u BiH na studijskom programu građevinarstva, priznaje 13,5 ECTS bodova stečenih na Građevinskom fakultetu Univerziteta u Ljubljani, odnosno priznaju se tri (3) položena ispita, koja su ekvivalentna sa ispitima prvog ciklusa studija građevinarstva na Građevinskom fakultetu Univerziteta u Sarajevu i to:

R. br.	Semestar	Građevinski fakultet Univerziteta u Sarajevu	Građevinski fakultet Univerziteta u Ljubljani	ECTS	Ocjena
1.	I	Uvod u graditeljstvo	Introduction to Civil Engineering (3 CCTS)	1	7
2.	II	Elementi visokogradnje	Buildings I (6 ECTS)	6	7
3.	II	Građevinski materijali	Building Materials (8 ECTS)	6,5	6
		<b>Ukupno ECTS</b>		<b>13,5</b>	

#### Ad/X

Vijeće je razmatralo Izvještaj Komisije za provođenje postupka ekvivalencije akademskih titula, odnosno naučnih i stručnih zvanja ranije stečenih na Univerzitetima u Bosni i Hercegovini, a na zahtjev Branislava Erića.

U Izvještaju se navodi da je Branislav Erić, rođen 23.07.1959.godine u Sarajevu, država Bosna i Hercegovina, na Građevinskom fakultetu Univerziteta u Sarajevu završio dana 09.06.1986. godine studij za sticanje visoke stručne spreme, odsjek za hidrotehniku i dana 22.05.1987. godine izdata mu je diploma pod brojem: 2093/86 o stečenom stručnom nazivu „Diplomirani građevinski inženjer“.

S obzirom da je navedeni studij ekvivalentan završenom master studiju i vrijedi 300 ECTS bodova, te da stručni naziv „Diplomirani građevinski inženjer“ odgovara akademskoj tituli i stručnom zvanju: Magistar građevinarstva-diplomirani inženjer građevinarstva, smjer Hidrotehnika i okolišno inženjerstvo, koje se stiče završetkom II ciklusa studija građevinarstva, Vijeće je donijelo odluku da se usvaja Izvještaj Komisije za provođenje postupka ekvivalencije akademskih titula, odnosno naučnih i stručnih zvanja ranije stečenih na Univerzitetima u Bosni i Hercegovini, na zahtjev Branislava Erića i da se Branislavu Eriću izda uvjerenje o ekvivalenciji ranije stečene akademske titule, odnosno naučnog i stručnog zvanja na Građevinskom fakultetu Univerziteta u Sarajevu.

#### Ad/XI

Prodekan je naveo da su u skladu sa zahtjevom nadležne službe Univerziteta u Sarajevu prikupljeni najvažniji podaci o radu Građevinskog fakulteta u 2019. godini.

Isti su uvršteni u dostavljeni obrazac i proslijeđeni Vijeću na razmatranje i odlučivanje.

Nakon razmatranja istog Vijeće je donijelo odluku da se usvaja Izvještaj o radu Građevinskog fakulteta za 2019. godinu.

Izvještaj o radu Građevinskog fakulteta za 2019. godinu će biti dostavljen nadležnoj službi Univerziteta u Sarajevu.

#### Ad/XII

Prodekan je upoznao Vijeće sa Molbom Asocijacije studenata Građevinskog fakulteta za smanjenje cijene naknade za korištenje biblioteke. Istakao je da navedena sredstva prelaskom na trezorsko poslovanje nisu više vlastita sredstva fakulteta, nego su budžetska sredstva. U skladu s tim Vijeće je donijelo zaključak da.

- prelaskom na trezorsko poslovanje u 2019. godini sva sredstva ostvarena po osnovu uplata studenata I i II ciklusa studija su budžetska sredstva Kantona Sarajevo,
- nadležni organi Kantona Sarajevo su ostvarivanje istih planirali u budžetu za 2020. godinu;
- jedna od naknada je i jedinstvena naknada koju uz uplatu upisnine uplaćuju studenti i koja pokriva troškove korištenja inventara, korištenje usluga računarskog centra i korištenja biblioteke.
- s obzirom da je gore navedena naknada budžetski prihod, planiran u budžetu Kantona Sarajevo, Građevinski fakultet Univerziteta u Sarajevu nema prava ni mogućnosti da utiče na smanjenje ili povećanje istog, bez odgovarajuće odluke nadležnog organa Kantona Sarajevo.

#### Ad/XIII

a) Prof. Admir Mulahusić navodi da je prema njegovim saznanjima u toku priprema novog Zakona o visokom obrazovanju i da bi bilo dobro da se sa istim na vrijeme upoznam, s obzirom da ima vrlo bitnih promjena u regulisanju uslova za napredovanje akademskog osoblja.


b) Prodekan napominje članove Vijeća o sljedećem:

- za februarsku sjednicu Vijeća potrebno je pripremiti teme za master radove, prema obrascu koji će dostaviti odsjecima i katedrama;
- prema novom pravilniku bilo kakve izmjene nastavnih planova i programa moraju biti utvrđene i dostavljene nadležnoj službi Univerziteta najmanje 6 mjeseci prije početka akademske godine;
- napominje da ispitni rokovi počinju 27.01.2020. godine.

Sjednica završena u 14.45 sati.

Zapisnik vodila:

Sabina Bajrić, dipl. pravnik



Br.: 02-1-26-4/20

14.01.2020.

DEKAN

Prof.dr. Samir Dolarević, dipl.inž.grad.